

植物名實圖考長編

三十八

植物名實圖考長編卷之二十二

固始吳其濬著

蒙自陸應穀校刊

木類

突厥白

烏藥

黃櫨

柘木

柞木

柞樹

金櫻子

無患子

海桐皮

檉

樺木

鹽麩子

密蒙花

紫荊

南燭

伏牛花

木槿

葦澄茄

野胡椒

盧會

艾納香

沒藥

醋林子

大風子

烏木

梧桐

冬青

枸骨

豬腰子

黃楊

芙蓉

扶桑

山茶

枸橘

蠟梅

山礬

海紅豆

石瓜

栴

鐵力木

青岡樹

附栲蘭譜
紡野蘭法

養野蠶法
種樹法

突厥白

突厥白味苦主金瘡生肉止血補腰續筋出突厥國色白如灰
乃云石灰共諸藥合成之夷人以合金瘡中國用之今醫家見
用經效者潞州出焉其根黃白色狀似茯苓而虛軟苗高三四
尺春夏葉如薄荷花似牽牛而紫上有白稜二月八月採根暴
乾

植物名實圖考



6

烏藥

嘉祐本草烏藥味辛溫無毒主中惡心腹痛蠱毒疰忤鬼氣宿食不消天行疫瘴膀胱腎閉冷氣攻衝背脊婦人血氣小兒腹中諸蟲其葉及根嫩時採作茶片炙碾煎服能補中益氣偏止小便頻數生嶺南邕容州及江南樹生似茶高丈餘一葉三極葉青陰白根色黑褐作車轂形狀似山芍藥根又似烏樟根自餘直根者不堪一名旁其八月採根

圖經烏藥生嶺南邕容州及江南今台州雷州衡州亦有之以天台者爲勝木似茶櫃高五七尺葉微圓而尖作三極面青背

白五月開細花黃白色六月結實如山芍藥而有極龐大者又似釣樟根然根有二種嶺南者黑褐色而堅硬天台者白而虛軟並八月採根以作車轂形如連珠狀者佳或云天台出者香白可愛而不及海南者力大

黃櫨

嘉祐本草黃櫨味苦寒無毒除煩熱解酒疸目黃煎服之亦洗湯火漆瘡及赤眼堪染黃生商洛山谷葉圓木黃川界甚有之楊氏產乳治漆瘡煎黃櫨木汁洗之最良

攷荒本草黃櫨生商洛山谷今鈞州鄭州山野中亦有之葉圓木黃枝莖色紫赤葉似杏葉而圓大味苦性寒無毒木可染黃採嫩芽燂熟水淘去苦味油鹽調食

癸辛雜識長城之旁居人以積雨後或有得堅木於城土中識者謂名黃蘆木乃當時用以爲城幹者惟極堅勁不畏水溼而

耐久至今一二千年猶有如楹大者以之爲鎗幹最佳蓋築城無以爲幹不可所謂不謹而寘薪焉者又何邪

說文解字注杼杼木出橐山中山經曰傳山西五十里曰橐山其木多杼多楸木按杼者杼之誤許所引山海經杼字今作柘捨字今作潒荔字今作颺其不同如此古韻十一模曰黃杼木可染十姥曰杼木名可染繪按周禮注曰染草茅蒐橐盧豕首紫蒟之屬橐盧豈卽黃杼與抑字音相近而草木異類也玉篇乃佚杼字從木乎聲他乎切五部

又櫨櫨也依全書通例正從木盧聲落胡切五部伊尹曰果

之美者箕山之東青鳧之所有甘櫨焉夏鼫也語見呂覽本味篇鳧作鳥不言夏鼫高誘曰箕山在潁川陽城之西青鳥崑崙山之東二處皆有甘櫨之果上林賦盧橘夏鼫應劭曰伊尹書云果之美者箕山之東青鳥之所有盧橘夏鼫史漢注作青馬依文選作青鳥爲長蓋卽山海經之三青鳥故鳥鳧皆鳥之誤也漢志道家者流有伊尹五十一篇小說家者流有伊尹說二十七篇許葦下耗下鰠下及此皆取諸伊尹書相如用盧橘夏鼫太沖猶譏其不實後人以給客橙枇杷等當之繆甚一曰宅櫨木出宏農山也鄭注周禮說染艸之屬有橐蘆未知是不

柘木

嘉祐本草柘木味甘溫無毒主補虛損取白皮及東行根白皮煮汁釀酒主風虛耳聾補勞損虛羸腰腎冷夢與人交接洩精者取汁服之無刺者良木主婦人崩中血結及主瘡疾兼堪染黃

本草衍義柘木裏有紋亦可旋爲器葉飼蠶曰柘蠶然葉硬不及桑葉東行根及皮煮汁釀酒治風虛耳聾有驗餘如經

救荒本草柘樹本草有柘木今北土處處有之其木堅勁皮紋細密上多白點枝條多有刺葉比桑葉甚小而薄色頗黃淡葉

梢皆三叉亦堪飼蠶綿柘刺少葉似柿葉微小枝葉間結實狀如楮桃而小熟則亦有紅藥味甘酸葉味甘微苦採嫩葉燂熟以水浸作成黃色換水浸去邪味以水淘淨油鹽調食其實紅熟甘酸可食

本草綱目李時珍曰處處山有之喜叢生幹疎而直葉豐而厚團而有尖其葉飼蠶取絲作琴瑟清響勝常爾雅所謂棘繭卽此蠶也考工記云弓人取材以柘爲上其實狀如桑子而圓粒如椒名佳子佳音錐其木染黃赤色謂之柘黃天子所服相感志云柘木以酒醕調礦灰塗之一宿則作間道烏木文物性相

伏也

柞木

嘉祐本草柞木皮味苦平無毒治黃疸病皮燒末服方寸匕生南方葉細今之作梳者是

本草綱目李時珍曰此木處處山中有之高者丈餘葉小而有細齒光滑而勒其木及葉子皆有針刺經冬不凋五月開碎白花不結子其木心理皆白色

說文解字注柞柞木也詩有單言柞者如維柞之枝析其柞薪是也有柞械連言者如皇矣旱麓縣是也陸璣引三蒼械卽柞也與許不合假令許謂械卽柞則二篆當聯屬之且詩不當或